



ՊՍԱԿԻ ԱՐԱՐՈՂՈՒԹԵԱՆ ԺՈՂՈՎՐԴԱԿԱՆ ՈՒ ԵԿԵՂԵՑԱԿԱՆ ՏԱՐՐԵՐԻ ՄԻԱԽԱՌՆՈՒՄԸ ԶԵՌԱԳԻՐ ՄԱՇՏՈՑՆԵՐՈՒՄ (ՄԻ ԶԵՌԱԳՐԻ ՇՈՒՐՋ)

Անահիտ Մխիթարեան

Ամուսնութեան եւ Հարսանեկան արարողութիւնների մասին մենք տեղեկանում ենք ոչ միայն Հայ մատենագրութիւնից ու ազգագրական նիւթերից, այլեւ ձեռագիր աղբիւրներից (ժողովածոներ, քարոզգրքեր ու կանոնագրքեր), յատկապէս՝ Մաշտոցներից, որտեղ ամբողջանում է եկեղեցու խորհուրդներից մէկը՝ Պսակի կարգը:

Ուսումնասիրութիւններից պարզուել է, որ կան Պսակի կարգին վերաբերող ձեռագիր նիւթեր, որոնք հիմնականում նույն են, ինչ տպագիր Մաշտոցներում, բայց կան եւ այնպիսիները, որոնք դուրս են մնացել տպագիր Մաշտոցներից, բայց, բարեբախտաբար, պահպանուել են: Եւ այդ պահպանուած պատասիկները ոչ միայն նորութիւն են իրենց բովանդակութեամբ, այլեւ արժէքաւոր՝ եւ արարողակարգերի յաւելումով, եւ մեկնութիւններով:

Ուշագրաւ են յատկապէս նմանատիպ ձեռագիր Մաշտոցները, որտեղ աւելի է դրսևորուում ծէսի հնագոյն լինելը: Դրանք նաեւ մեծ արժէք են ներկայացնում թէ՛ Հայ մատենագրութեան պատմութեան եւ թէ՛ ազգագրութեան համար: Ընդ որում, իւրաքանչիւր ազգագրական շրջան կամ պատմաաշխարհագրական վայր այն կատարում է իր բարքերի ու սովորոյթների համաձայն. անգամ այդ տարբերութիւնները դրսևորուում են եկեղեցական արարողութիւններում: Դրանով էլ հէնց պայմանաւորուած են ձեռագիր Մաշտոցների տարբերութիւնները:

Մենք անդրադարձել ենք դրանցից մէկին, որի մէջ պսակի արարողութիւնը

հիմնականում ներկայացուած է շարականներով, որտեղ միախառնուել են նաեւ ժողովրդական տարրերը: Խօսքը ժէ., ժԸ. դարերի ձեռագիր Մաշտոցի մասին է, որը գրուել է կաֆայում, իսկ յետագայում ընդօրինակուել է Նախիջևանում¹:

Ստորեւ ներկայացնում ենք շարականները, բայց ոչ ամբողջութեամբ. որոնց գլուխներից պարզ է դառնում նիւթի ծիսական բովանդակութիւնը:

Մաշտոցներում սովորաբար տեղ են գտել բնոյթով ու թեմատիկ նիւթով համագտակաբար ընտրուած շարականներ, պատասխանաբար ընտրուած շարականներ, սաղմոսներ ու աստուածաշնչեան հասուածներ, որոնք կատարուում են եկեղեցում Պսակի կարգի ժամանակ:

Գլուխ Ա. Շարական նշան արհնութեան (1ա)

«Նշանաւ յամենայն խաչիւրդ Բրիստոս, պահպանեա՛ զմեզ մարդասէր, յաներեւոյ թըշնամոյն, զի դու միայն ես թագաւոր փառաց, արհնեալ յաիտեան»:

Նշանօրհնէքի արարողութեան ժամանակ եկեղեցում հնչում են շարականներ, սաղմոսներ ու աղօթքներ, որոնց բովանդակութիւնը համապատասխանում է արարողութեանը: Պարզապէս պէտք է յիշենք, որ ըստ քրիստոնէական մեկնաբանութեան եկեղեցին նմանեցուած է Հարսի, իսկ Բրիստոսը՝ փեսայի:

¹ ՄՄ, ձեռ. 8406. Մաշտոց ձեռագր. ժէ., ժԸ. դդ.: Նախիջևան: Էջ 1ա-109ա: Ձեռագիրն ունի յիշատակարան, որը գրուել է յետագայում՝ ժԸ. դարում. իսկ ծիսական միւրք ժ.Ձ.-ժ.Է. դարի է:

Նշանորհնէքը կատարուել է եւ եկեղեցում, եւ տանը, եւ անհրաժեշտ էր, որ այն կատարուէր մինչ պսակը: Կան ազգագրական որոշ շրջաններ՝ մինչ այժմ էլ պահպանուած, ուր նշանդէքը կատարուում է աղջկայ տանը: Օրինակ՝ Մուշ քաղաքում տղայի հարագատները քահանային հրաւիրել են աղջկայ տուն, որպէսզի օրհնի նշանը, որտեղ էլ կատարուել է «Հաց կտրելու» ծէսը, այսինքն՝ եկեղեցական արարողութիւնը կատարուել է տանը²:

Սա մեզ յիշեցնում է Թոնրի կամ Օջախի պսակը: Դեռեւս հնում սրբազան արարողութիւնները՝ նշանադրութիւն, պսակ, կատարուել են նաեւ օջախի, Թոնրի շուրջ, քանի որ դրանք համարուել են սրբութիւն, եւ համահասարակ են դիտուել եկեղեցական պսակին: Այսինքն՝ բացի աւանդական նշանադրութիւնից, պահպանուել են նշանադրութեան վաղնջական ձեւերը:

Գլուխ Բ. Փեսատեսուն առնելոյ (2ա)

«Թագաւոր գոյով քո յաշխարհ, մըտեր ի քաղաքն Երուսաղէմ, նըստեալ ի վերայ հողեղէն անր յաւանակի, կոչել զհեթանոսս յերկրպագութիւն»:

Այս շարականը բուն կրօնակեղեցական նկարագրական պատկեր է, որտեղ Քրիստոսին՝ որպէս թագաւոր, դիմաւորում էին խմբերով՝ ձիթենու եւ արմաւենու ծիւղերը ձեռքներին ուրախ աղաղակելով: Այդպէս մեծ շուքով ու ցնծութեամբ, ծնծղայով ու հոգեւոր երգերով, դիմաւորում են նաեւ թագաւոր-փեսային եկեղեցում, ուստի, պատահական չէ այս շարականի համապատասխան ընտրութիւնը: Իսկ եկեղեցուց դուրս նոյնպիսի ցնծութեամբ, զուռնայ-դհոյով գնում են փեսայի տուն, որտեղ եւ կատարուում են մի շարք արարողութիւններ:

² Տե՛ս Ե. Լալայեան, Մուշ-Տարօն, «Ազգագրական հանդէս», XXVI գիրք, Թիֆլիս, 1917, էջ 158:

Գլուխ Գ. Փեսան գաւաթն բաժանէ (2բ)

«Այսօր ցնծայ եկեղեցի ի հոգեւոր հարսանիսն, զոր պատրաստեաց ձայն բարբառոյ հարսն մաքուր փեսային...»

Այսօր փեսաւէրն³ եւ բարեկամն ընդ երկնատր փեսային

միատրեաց գեկեղեցի՝ փոխադրելով ի յերկինս»:

Սա ժողովրդական արարողութիւն է, երբ փեսան բաժանում է գաւաթները, եւ այն կոչուում է Գինիթափէք կամ Գինեթափէք: Հինգշաբթի երեկոյեան տղամարդկանց կողմից ընտրուում էր մառանապետ, որն իր օգնականների հետ գինին կարասից փարչերի ու գաւաթների մէջ էր լցնում եւ հիւրասիրում հաւաքուածներին: Իսկ յաջորդ օրը՝ ուրբաթ առաւօտեան, փեսան ու ազգայները այցելում էին այն տները, որոնց հրաւիրում էին հարսանիքի (սա հրաւէրքի մի ձեւ էր)՝ տանտիրոջն առաջարկելով մի բաժակ օղի կամ չոր մրգեր: Ով ընդունում էր հրաւէրը, խմում էր մի թաս գինի, իսկ ով մտադիր չէր, մերժում էր՝ աւելով. «Աստուած շնորհաւոր անէ»⁴:

Գլուխ Դ. Յորժամ բաղանիք երդան փեսան, խաշլուն⁵ եւ այլք. քահանայն ջուր աւրինէ (3բ)

Լոյս ի լուսոյ ի հօրէ առաքեցար եւ մարմնացար ի սուրբ կուսէն...

Ըզքեզ, որ հոգով եւ հրով մաքրեցեր ըզմարդկան աղտաղութիւն,

³ Փեսաւէր. Աշանակում է՝ փեսահրաւեր. փեսայատու կամ փեսայաբեր. բարեկամ փեսայի. տարող փեսայի առ հարսն կամ հարսին առ փեսայ. գլխատր՝ ի հարսանիս (տե՛ս Նոր բառգիրք Հայկազեան լեզուի, հտ. Բ, Եր., 1981, էջ 941):

⁴ Ե. Լալայեան, Վայոց Ձոր, «Ազգագրական հանդէս», հտ. XI, գիրք XIII, Թիֆլիս, 1906 թ., էջ 151:

⁵ Խաշլու, գու. խաշլու, այսինքն՝ «կնքահայր»: Տե՛ս Հր. Աճառեան, Հայերէն արմատական բառարան, հտ. Բ, Երեւան, 1973, էջ 334:

որպէս գԱստուած եւ զՓրկիչ՝ ամենքեան արհնեացէք:

... Զհին մարդըն նորոգելով՝ Փրկիչն ի մկրտութիւն գայ այսօր,

զի գապականեալ ըզբնութիւն ըզջրով, նորըս գործեացէ

անապական ըզգեստ փոխարէն տալով մեզ:

Մըկրտի Քրիստոս եւ սրբին ամենայն արարածք

եւ տայ մեզ թողութիւն ջրով եւ հոգով՝ վերայ սրբելով ըմեզ[զ]:

Սա Փեսաբաղնիքի ծէսն է, որը հնում ժողովրդի մօտ շատ տարածուած է եղել: Օրինակ՝ Մուշ քաղաքում ազգայները բոլորը միասին գնում էին բաղնիք, լողանում, բայց՝ առանց քահանայի⁶:

...Աւարտ բանիս առնու էրիցն Գ.Գ. թաս ջուր, լընու գլուխ նախ՝ խաշլուին եւ ապա՝ փեսին (այսինքն՝ երեք թաս՝ խաշլեղորբ, երեք թաս՝ փեսային): Խաշլուն ալ լնու փեսին, փեսան ալ՝ խաշլուին:

Թէ՛ հարսի եւ թէ՛ փեսայի լողանալու ժամանակ նրանց տակ մի կտոր երկաթ էին դնում, որպէսզի չարքերը չվնասէին: Լողանալուց յետոյ ազգայները հագնում էին փեսացուին՝ նրան դովերգելով, իսկ ջահել փեսայները՝ ծաղկոցաւորները՝ հարսին: Սա հարսանիքի ժամանակ կատարուող ծիսական լողանքն է, որը խորհրդանշում է ոչ միայն մաքրագործում, այլեւ պտղաբերում:

Նախքան պսակի խորհուրդի կատարելը, փեսան պարտաւոր էր լողանալ, սափրուել, այսինքն՝ մաքրուել մարմնով եւ յատկապէս մաքրագործուել ջրով:

«Ջրով կիզու զմեղքս մեր՝ զի ապականեալ ըզբնութիւն ըջրով նորըս գործեացէ»:

Իսկ հոգին մաքրելու համար եկեղեցում կատարում էին խոստովանութիւն թէ՛ հարսը եւ թէ՛ փեսան:

⁶ Ե. Լալայեան, Մուշ-Տարօն, էջ 166:

Այժմ այս ծէսը չի պահպանուել, դրանից մնացել է միայն Փեսաթրաչի ծէսը: Սակայն մեզ չի հանդիպել դեռ մի Մաշտոց, որտեղ քահանան մասնակցի փեսային լողացնելու արարողութեանը եւ օրհնի ջուրը:

Ջուրը՝ որպէս պաշտամունքային տարր, հանդէս է գալիս կենցաղում եւ մարդու կեանքի երեք տարբեր փուլերում. ծնունդի ժամանակ՝ Մկրտութեան ծէսով, հասունացման ժամանակ՝ Հարսանեկան ծէսով եւ մահուան ժամանակ՝ Թաղման սով եւ մահուան ժամանակ՝ Թաղման ծէսով: Միասկան այս երեք արարողութիւնների ժամանակ ոչ միայն լողացնում, մաքրում են ջրով, այլեւ նոր հագուստ են հագցնում. այսպէս արւում է եւ գաղտնահարութեան ժամանակ, այսինքն՝ մտնում են նոր աշխարհ:

Այս վերջին երեք արարողութիւնները (գլուխ Բ, Գ, Դ) չկան Մաշտոցներում, բայց, փաստօրէն, եղել են որպէս եկեղեցական կանոններ կամ, գուցէ, ժողովրդական արարողութեան ազդեցութիւնն այնքան ուժեղ է եղել, որ դրանք ներառուել են Մաշտոցներում:

Գլուխ Ե. Հարսանեաց գիր օրէն⁷. Խրատ (4բ)

Կամա կամեցողին բարեաց Տեան մերոյ եւ փրկչին Յիսուսի Քրիստոսի արհնելոյն յափտեանս. ամէն: Որ եղէ այս շնահատր հալիտեանց գիրս ի տիրապահ եւ աստուածախնայն մայրաքաղաքիս Կաֆայո: Ընդ հովանեալ ամենարհնեալ չարխարան սրբոհոյ Աստուածածնին եւ ի թուականութիւնս հայոց ՌՃԴ-ին եւ ի հայրապետութեան սրբոյ Լէւնիածնի տէր Ղազար տեսնապսակ սրբազան կաթողիկոսին Հայոց: Եւ առաջնորդութեան նախագիս մերոյ Կաֆայո տէր եւ աւագ իրիցութեան եւ երեսփոխանութեան մահտեխայեաց, զոր եկն առաջի աստուածային օրինացն: Այս անուն խնորեաց գիր

⁷ Մէկ այլ ձեռագրում այն կոչում է «Հարսանեաց պայմանագիր»՝ գրուած 1689 թուին (ՄՄ, ձեռ. 8433, Մաշտոց ձեռագ, Կաֆայ):

սիրեցեալ եւ նազելի սիրասնունդ դուստրն իր ---- որդոյն իրոյ ---- օրինաւոր ամուսնութեան, զոր Տէր Աստուած շնամատրս առաջէ. ամէն:

Սա Հարսանեաց մի պայմանագիր է, որը կնքուել է 1741 թուականին Կաֆայ քաղաքում Սուրբ Էջմիածնի տէր Ղազարի Հայրապետութեամբ: Պայմանագրում նախ՝ քահանայից խնդրում են աստուածային օրհնութիւն՝ ամուսնացող զոյգերին, ապա՝ աղօթք եւ օրհնութիւն «մարմնաւոր արդեանցն», այսինքն՝ օծիտին, որը մէկ առ մէկ թուարկուում է պայմանագրում:

Նախ կուտայ զիր սիրեցեալ դուստրն զաստուածային արհնութիւն եւ քահանայից անորօքն եւ մարմնաւոր արդեանցն, զոր պատրաստեալ է, այս է՝ սինէպէնդ, էն սելիկ, զիլիֆլիս, ծամ՝ մագի վրայի, սոնլիս, զիննի, մարքրտէ խաֆեզ, բ. ճիւֆտ օղ, ճիւֆտաշի գօտի, պալիւսի գօտի, դ. մատանի, արծաթէ խուտի, ե. խումաշ կապայ, ե. զըպուն, մէկալ պօյ քուրքի, որ մայչեմպէր, բ. սօշակ, դ. բարձ, մէկ քուֆտ սավան, ա. տիպայ եօղան, բ. երեսարբիչ, բ. քուֆտրէտ բարձ, է. շապիք, մէմալ խալա շապիք, դ. պօյն չայ, սունտուկ, խալի, մէ հալի սինի, բաղնէց լէկէն, էլ լէկէնի, էլ բարբիսի, դաս քիլտան եւ այլ աստուածային օրհնութիւն:

Ըստ Տաթեւացու մեկնութեան. «Եւ դարձեալ՝ որպէս մարմնաւոր հարսին տուեալ լինին երեք իրք. այսինքն՝ բաժինք, օծիտ եւ պարգեւք: Բաժինքն տուեալ լինին Օի հօրէ հարսին վասն պիտոյից պահին: Եւ օծիտքն Օի փեսայէն լինին տուեալ: Իսկ պարգեւքն Օի բարեկամացն լինին տուեալ»⁸:

Նմանատիպ պայմանագրեր միջնադարում շատ են կնքուել ու կիրառուել, որոնք նաեւ իրաւական հիմքեր ունեն:

Արարողութեան վերջում ասուում է «Այսօր ցնծայ եկեղեցի» շարականը:

8 Գր. Տաթեւացի, Ամասն հատոր, Երուսաղէմ, 1998, էջ 202:

Գլուխ 2. Հանդերձ արհնելոյ (6ա)՝ սկսուում է «Թագաւոր գոլով քո յաշխարհ» շարականով:

Այնուհետեւ ընթերցուում են Հանդերձօրհնէքին վերագրեալ աստուածաշնչեան Հատուածները:

Յնծասցէ անձն իմ ՚ի Տէր. զի զգեցոյց ինձ զհանդերձ փրկութեան՝ եւ զպատմուման ուրախութեան. իբրեւ փեսայի եղ ինձ զպսակ. եւ իբրեւ զհարսն զարդու զարդարեաց զիս: Եւ իբրեւ զերկիր՝ որ անեցուցանէ զծաղիկս իւր. եւ իբրեւ զպարտէզ, որ բուսացանէ զսերմանիս իւր (Ընթերցուածս յետապէս Մարգարէտէ):

Ըստ Տաթեւացու մեկնութեան՝ եկեղեցում Հարսին տրուող զարդերը պէտք է թուով եօթը լինեն⁹:

Հանդերձօրհնէքի արարողութիւնը կատարուել է թէ՛ եկեղեցում եւ թէ՛ տանը, որի ժամանակ քահանան օրհնել է Հարսնացուի ու փեսացուի Հագուստները:

Եկեղեցում կատարուում է այս կերպ. մինչ աղջկայ եւ տղայի Հարազատները բերում են Հագուստը (որը կոչուում է նաեւ հանդերձ, հալաւ, քթեթ, փըթեթ կամ փաթեթ) քահանայի մօտ, քահանան կարդում է «Օրհնութիւն եւ փառք» աղօթքը եւ խնկարկելով ասում «Մայր լուսոյն Մարիամ անհարսնացեալ» շարականը:

Եկեղեցում նորապսակների Հագուստներն օրհնելիս ընթերցուում են Համապատասխան այլ շարականներ՝ «Այսօր ցնծայ եկեղեցի ի հոգեւոր Հարսանիսն», «Ամենազօր Տէր թագաւոր թագաւորաց», որոնք նման են Հարսանեկան միջնադարեան հոգեւոր երգերի եւ ունեն ընդհանրութիւններ ժողովրդական «Թագաւորազօլքերի» հետ: Ահա դրանցից մէկը՝ ուշ միջնադարեան մի բանաստեղծութիւն, որը կոչուում է «Տաղ Հարսանեաց եւ ուրախութեան, ընտիր եւ գեղեցիկ»:

9 Նոյն տեղում:

Աստուած օգնէ թագաւորին, // Բաշխէ բազում կենդանութիւն, // Գիշեր ցորեկ իւր հովանին:

Աստուած օգնէ թագաւորին: // Աստուած օգնէ նոր փեսային¹⁰:

Եկեղեցում Հագուստներն օրհնելուց յետոյ տանում են նորապսակների տուն առանձին-առանձին:

Մաշտոցներում սովորաբար նորապսակների եւ նրանց Հագուստի օրհնութիւնը կատարուում է միաժամանակ Պսակի արարողութեան ընթացքում:

Այս ձեռագրում (նմանօրինակ ձեռագիր մեզ չի հանդիպել) առանձին-առանձին են կատարուում «Թագաւոր արհնելոյ», «Նորահարս արհնելոյ», ինչպէս նաեւ «Թագաւորի եւ նորահարսի Հանդերձօրհնէքի» արարողութիւնները:

Նոր Հագուստի օրհնութիւնը եղել է անհրաժեշտ պայման, քանի որ օրհնութեան միջոցով քահանան փորձում է Հագուստը կիրառողին զերծ պահել չար աչքից ու փորձութիւններից:

... Արհնեալ եւ սրբեալ ի հանդերձս զայս, զի որք զգեցցեն զսա, մի՛ իշխեսցէ մերձեմալ ի սրբա շար աղանդ դիւսց կամ կախարդաց, այլ ամրացեալ փրկեսցին ամենայն որդայթից աստանայական զօրութեամբ սուրբ խաչի քոյ:

Ընդհանրապէս, թէ՛ նորը եւ թէ՛ առաջինն ունեն ծիսահայտական յատկութիւններ. երկուսն էլ ինչ-որ բանի սկիզբ են: Ուստի, պէտք է կատարուէին Համաժիտական գործողութիւններ՝ Հեռացնելով չարը, անյաջողը եւ, ընդհակառակը՝ առաջ բերելով բարին, յաջողութիւնը: Դրանով է պայմանաւորուած նաեւ ծիսական երգերի, պարերի, աղօթքների, բարեմաղթանքների ու օրհնանքների կատարումը:

10 Ուշ միջնադարի հայ բանաստեղծութիւնը (XVI - XVII դդ.), հտ. I, աշխ.՝ Յ. Սահակեանի, Երեւան, 1986, էջ 152:

անգամ համայնքի ծիսական կերուխումը՝ որպէս զօհարերութիւն:

Գլուխ Է. Թագաւոր արհնելոյ¹¹ (8ա)՝

Որ գերկնաւոր թագաւորութեանը քո զօրինակ ցուցեր ի յերկրի՝ հաստատելով զաթոռ թագաւորութեան... Սիրոյ անմահ եւ երկնաւոր սուրբ փեսային եկեղեցոյ. փեսաւեր եւ հրաւիրակք առաքեցար հարսին որդւոց թագաւորին առ Քրիստոս:

Ըստ շարականների մեկնութեան՝ սա վերագրուում է թէ՛ ողորտի թագաւորին. «Չարական թագաւորաց, զոր սովորաբար օրինակք մակագրեն՝ թէ՛ ողորտի թագաւորին... Յաղագս գործոց եւ աստուածաճնոյ կենցաղաւարութեան մեծին թէ՛ ողորտի՝ զորս եւ շարականս առնու ի գովեստ...»¹²:

Շարականներում յիշատակուում են այն թագաւորները, որոնք անցել են փորձութիւնների միջով, յաղթահարել դժուարութիւններն ու սրբացուել. իսկ յետագայում փառաբանուում են նրանց կատարած արժանայիշատակ գործերն ու սխրագործութիւնները:

Ձեռագրում այս շարականին յաջորդում է «Շարական սրբոյն Սարգսին»:

Թագաւորին երկնաւորին սուրբ զօրապետ եւ մեծամարտիկ... երազահաս ու բարեխօս սուրբը Սարգիս... Որք առին ըզպատնազինութեան ըզուստոյ արտից իւրեանց եւ ընկալան ի գոլիս ստղասարդ փրկութեան ըզնշան խաչին, սուսեր ընդ մէջ ամեալ ըզնշարիտ սուրբ հոգին...¹³:

Թագաւորի օրհնութեան այս Հատուածը երկնային թագաւորին՝ Քրիստոսին եւ

11 Սա՝ որպէս առանձին կանոն, տպագիր Մաշտոցներում չկայ. այն մտնում է եկեղեցում կատարող Պսակի արարողութեան մէջ:
12 Բացատրութիւն շարականաց. «Կանովն թէ՛ ողորտի թագաւորին», աշխ.՝ Գ. Աւետիքեանի, Վենետիկ, 1814, էջ 115:
13 Բացատրութիւն շարականաց. «Ծարական սրբոյն Սարգսի», էջ 149:

կեպսակների փոխարէն գործածուում են ոսկեայ կամ մետաղեայ զարդեր՝ ծաղկի կամ հատիկի պատկերներով:

Բնապաշտական տարրերը դրսեւորուում են ոչ միայն տօներում, այլև հարսանեկան ծէսում, որտեղ ծիսական գործողութիւնները նուիրուած էին նոր ամուսնացող զոյգի բարեկեցութեան ապահովմանը:

Բացի Ծաղկազարդի նշանադրութիւնից, եղել է նաև Վարդավառի նշանադրութիւն:

Գլուխ ԼԵ. Հանդերձ օրինելոյ է (87ա)

Այս շարականի միջոցով գովերգուում է նորապսակների հանդերձի օրհնութիւնը, որը կարելի է վերնագրել «Օրհնեա՛, Միածին՛, զհանդերձ հարսանեաց»:

Աստուածածին երկնամման մախտեայ վասն մեր փեսայն անվաղճան,
զի հրաւիրեացես յայսմ հարսանեացս արացես արծան,
օրհնեա՛յ Միածին, հանդերձ հարսանեաց...²⁵:

Հարսանեկան հնագոյն երգերը քրիստոնէութեան շրջանում վերաիմաստաւորուել եւ, բնականաբար, այլ մեկնաբանում են ստացել՝ հանդէս գալով թէ՛ միջնադարեան հոգեւոր երգերում, թէ՛ շարականներում ու սաղմոսներում: Նման օրինակները քիչ չեն ձեռագիր աղբիւրներում:

Նախաքրիստոնէական շրջանում հարսանիքին թէ՛ հարսը եւ թէ՛ փեսան հագել են ճոխ ու շքեղ հագուստ կամ տարազ՝ իւրաքանչիւրն իր կարողութեան ու հնարաւորութեան սահմանում, բայց ոչ սպիտակ, քանի որ սպիտակ գոյնն աւելի ուշ շրջանի դրսեւորում է: Ազգագրական որոշ շրջաններում սա պահպանուել է մինչեւ Ի. դարը, որտեղ մենք տեսնում ենք նաև, որ աւելի տարածուած է եղել անգամ վարդագոյն կամ կարմիր գոյնի հագուստը եւ, իհարկէ,

25 Մաշտոց, Պոլիս, 1807, էջ 21:

շքեղ զարդերը: Մովսէս Խորենացին յիշատակում է նորահարսի զգեստի վարդագոյն, իսկ փեսայի զգեստի կարմիր լինելու մասին. «Թողէք զհնձամսդ սլացարուք ՚ի թեսս հոգւոյն, մաքուր աղանիք եւ օրիորդ իմոյ հարսանեացս. զվարդագոյն իմոյ հարսնութեան արկի զգարոյ: Ելէք ընդ առաջ արիւնաներկ կարմրագետս իմոյ փեսային, զի եւ դուք ընդ իս փայլիցէք արքունական մորս ծիրանեօքն ՚ի փառս եւ ՚ի զարդ հրեշտակաց եւ մարդկան»²⁶:

Սպիտակի գործածութիւնը խորհրդանշել է հոգեւոր մաքրութեան, անարատութեան գաղափարը քրիստոնէութեան շրջանում, իսկ նախաքրիստոնէական ժամանակ կարմիր գոյնը եղել է սիրոյ եւ ուրախութեան խորհրդանշ. «Կարմիր գոյնը հայոց մէջ առհասարակ չարխափան է եղել. այդ է պատճառը, որ կարմիր հագուստը կանանց տարազի հիմնական տարրն էր կազմում: Կարմիր գոյնն աղբրս ունէր նաև սերնդածի հետ»²⁷: Սակայն միանշանակ չենք կարող ասել, որ հարսանեկան հագուստը եղել է միայն կարմիր կամ սպիտակ, քանի որ աւելի ուշ Թովմա Արծրունին նկարագրում է, որ «զգեստ հարսանեաց... ծաղկեալ պատմուճանի գունագոյն երանգ երանգ անկուածոցն... ոսկեհուռ թագակապ զարդու պսակացն»²⁸: Իսկ Տաթևացին փորձում է տալ հարսանեկան հագուստի յստակ բաժանում. «Նոր հանդերձ եւ զգեստ զարդուց հարսին եւ փեսային՝ են թուով եօթն. չորս բոլոր անձինն է. եւ երեք գլխոյն»²⁹:

Միջնադարեան հարսանեկան հագուստի ու զարդերի վերաբերեալ տեղեկութիւն-

26 Մովսէս Խորենացու Մատենագրութիւնը, Վեներիկ, 1865, էջ 315:
27 Վ. Բոյնեան, Երկրագործական մշակոյթը Հայաստանում, Երեւան, 1972, էջ 473:
28 Թովմա Արծրունի, Պատմութիւն տանն Արծրունեաց, Պոլիս, 1852, էջ 191:
29 Գր. Տաթևացի, Ամստան հատոր, էջ 202:

ները մեզ են հասել ոչ միայն մատենագրական տուեալներից, այլև մանրանկարչութիւնից, որը, սակայն, մասամբ է արտայայտուում հագուստի ու զարդերի նմուշները, այսինքն՝ չեն նկարագրուել այն տարատեսակները, որոնք գոյութիւն ունէին ազգագրական տարբեր շրջաններում: Իսկ դա կարեւոր է այնքանով, որ թէ՛ հագուստի առանձին մասերը եւ թէ՛ զարդերը առնչուում են տոտեմներին, անգամ անիմիզմի խորհրդանշներին, ինչպէս նաև՝ պտղաբերութեան պահպանմանը եւ դրանց պաշտամունքին: Օրինակ՝ Սեբաստիայում պահպանուել էր հարսի գլխաւորդարանքին երեք փունջ-զարդեր ունենալու սովորութիւնը, որը յիշեցնում էր Անահիտ դիցուհու պտղաբերութեան խորհրդանշը³⁰:

Ինչպէս՝ արդէն ասացինք, հարսին ու փեսային հագցնելիս երգում են ծիսական երգեր ու պարերգեր:

Հարսանեկան ծիսական պարերը գոյութիւն են ունեցել հնագոյն ժամանակներից, որոնց միջոցով ապահովուել են ամուսնացող զոյգերի բախտաւորութիւնը, ընտանիքի բարեկապատ կեանքն ու տնտեսական վիճակը, իսկ ամենակարեւորը՝ այդ պարերը տեղի էին ունենում պտղաբերութիւն ակնկալելու նպատակով:

Սրբազան ու ծիսական երգերն ու պարերը, որոնք ունեն պաշտամունքային-հմայական բանաձեւեր (խօսքի ու շարժման), անբաժան են եղել տօնական ու ծիսական արարողութիւնների ժամանակ, պարզապէս տարբեր ժամանակաշրջաններում տարբեր է եղել աշխարհայացքն ու ընկալումը, բայց ոչ էութիւնը:

Այս եկեղեցական ժողովածոյում, տեղ է գտել նաև մի պարերգ, որտեղ ակնյայտ է նրա ժողովրդական բնոյթը: Հարսին հագցնելով՝ երգել են այս պարեղանակն ու

30 Վ. Բոյնեան, Հայ ազգագրութիւն. համառոտ ուրուագիծ, Երեւան, 1974, էջ 106:

պարել: Սա ինչ-որ տեղ յիշեցնում է նաև «Էգ բարեւ, այ էգ բարեւ// Էգն արեւուն տանք բարեւ// Տայ թագաւորին շատ արեւ» երգը³¹:

Գլուխ ԼԸ. Պար հանդերձ հագած ժամն աւայ (88ա)³².

Այս օրհիշքս մոր, այս արեւքս մոր, թագաւորքս մոր,
Իմ պարոն մանկտիքս³³ եմ ազատ, մանկտիկս եմ ազատ,
Այս ազատ մանկտիքս եմ ազատ, դուռն ծուռ կու տան,
Իմ պարոն ելմ արեգակն, ելմ արեգակն:
Հայոց հայրապետ սուրբ Լուսաւորիչ,
Երեք խաչ եհան, օրհնեաց մեր մոր թագաւորն,
Օրհնեաց թագաւորն ու զիր կիսառոն,
Այլ պաղից մանկտիք որ կային,
Հաւսարի բոլոր, հաւսարի:
Մայրըն Մարիամ սուրբ Աստուածածին երեք խաչ եհան
Ու օրհնեաց մեր մոր թագաւոր, մեր մոր թագաւոր:
Օրհնեաց թագաւորին ու զիր հարսին քոյրն,
Այլ պաղի կուսանք որ կային հաւսարու բոլոր, հաւսարու բոլոր:
Հիշտակ լերկնուց անցեր ու օրհնեք, անցեր ու օրհնեք,
Իմ պարոն թագաւորին Ռ (1000) վաճառն, թագաւորին վաճառն:

31 Կ. Մելիք-Փաշայեան, Անահիտ դիցուհու պաշտամունքը, Երեւան, 1963, էջ 27:
32 Այս տաղը կայ մատ ուրիշ տարբերակով: Տե՛ս ձեռ. 1330, Տաղարան Դ, 1563 թ., Մայր ցուցակ հայերէն ձեռագրաց Մատենադարանին Միաթարեանց ի վեներիկ, հտ. Ե, 1995, էջ 674: Տե՛ս Երեւան, 1995, էջ 962:
33 «Յոքնական մանուկ բառիդ, պսիմքն՝ մանկունք, որպէս տղայք, պատանիք, երիտասարդք, ծառայք»: Տե՛ս Նոր բարեգիրք Հայկազեան լեզուի, հտ. Բ, Երեւան, 1981, էջ 206:

Հրեշտակք օրհնելով, մանկըտիք գովելով՝
ճոր-ստու քալէ,
Իմ պարոն ընկել քեզ բաժին, ընկել քեզ բա-
ժին:

*Այնուհետեւ գրիչն ասացողի նման
յաւելում է.*

Ձեխութեամբ չասես պարոն, որ անուշ գայ
լսողաց: Ետոյ կրգկըզըն չալէն, որպէս ու-
զես, այնպէս զէս է: Թագաւորն շատ (°) ո-
տաց վերայ չի կանքնէ:

*Միջնադարում ընդունուած չի եղել
Հարսանիքն անցկացնել զեխութեամբ, Հար-
բել, գուսաններ Հրաւիրել ու պարել.*

«...Ի կնունք եւ ի պսակ ոչ է պարտ արբե-
նալ, կամ գուսան կոչել կամ բոզ, զի դիւաց կո-
չաւոք են գուսանքն: ... Արդ, չէ պարտ քրիս-
տոնէին ի կնունք կամ ի հարսանիս պար գալ եւ
խաղալ, իբրեւ ի մեհեանս դիւաց եւ զամաթ եւ
զպարկեշտութիւն ձգել յերեսաց եւ յանձնէ եւ
անամաթիլ: Եւ քահանայք, որ մտանեն անդ,
զխորհուրդ մկրտութեանն եւ զհարսանեացն
մեկնեսցեն եւ պաշտեսցեն, մի՛ անառակ եւ
գարշելի բան որ խաւսեցի»³⁴:

Տէր Մարտիրոս պսակ[ի] դրամն շատ ուզէ,
եթէ հարսն ու փեսայն խիստ հարուստ է:
Երդան եկեղեցին, եւ քահանայն հարսն ու
փեսայն խոստովանցնէ եւ ապայ ձեռք ձեռքի
տայ որպէս իյ տունն եւ ասայէ զայս պա-
տուէրս.

Տեսէ՞ք որդեակք, աստուածային հրամանան
եւ կանոնիք սուրբ հարցն: Եկել էք ի հալալ
ամուսնութեան իյ սուրբ պըսակս, Աստուած
ըզձեզ անթառամ պըսակին արժանի առնէ,
ըզձեզ մինչեւ խորին ձերութիւն հասուցանէ.
Ամէն:

34 ՄՄ, ձեռ. 2329, Ժողովածու: 1291 թ., Ա. Լուսա-
տրչի գերեզման (Երզնկա), էջ 258 ա (Յովհ.
Երզնկացոյ «Խրատ հասարակաց...»): ՄՄ, ձեռ.
4669, Ժողովածու: 1675 թ., Պերկամ քաղաք:
Յովհ. Երզնկացոյ «Խրատ հասարակաց...», էջ
102 աբ: Տես նաեւ է. Բաղդասարեան, Յովհան-
նէս Երզնկացի եւ նրա խրատական արձակը,
Երեւան, 1977, էջ 177-178:

*Ձեռագիր Մաշտոցի մնացած մասը յա-
ջորդիւ շարունակուում է ինչպէս տպագիր
Մաշտոցներում:*

Փեսան դուրս հանեն Գ. օրէն եւ երդայ եկե-
ղեցի, ասեն. «Թագաւոր գոյով քո աշխարհ
մտէր, ձերքն ոստովք ձիթեմեօք» եւ «Տարցին
թագաւորի կուսանք զհետ ճորս, եւ զընկերս
ճորս տացին մմա» շարականները:

*Ձեռագրում նիւթն աւարտուում է
«Պսակ վերացուցանելոյ»-ի կանոնով: Այս
արարողութեան ժամանակ էլ երբեմն կա-
տարուում է Հարսանեաց բաժակի օրհնու-
թեան կանոնը:*

*Քահանան խաչով օրհնում է բաժակ-
ները, ապա լցնում գինով եւ օրհնում բա-
ժակից տալիս է նրանց՝ ըմպելու:*

Պըսակէն ետը Ը. (8) օր պահեն, Ը. օրին եր-
դայ քահանայն, մէկ բաժակ գինի անուշ բան
մը դընէ սեղանն: Փեսայն հարսն կանքնեն
սեղանն առաջելըն եւ ասէ շարական.

«Լուսով աստուածութեան քոյ Քրիստոս լու-
սաւ,

Տօն է այսօր յերուսաղէմ, բազմութիւնք բա-
ցան դրունքք»:

*Երբ եկեղեցուց գալիս են տուն, նս-
տեցնում են նախ փեսային, յետոյ նրա աջ
կողմում՝ Հարսին: Քահանան վերցնում է
պսակը (թագը) եւ նարօտը, խաչակնքում,
ապա պսակը դնում է Հարսի ու փեսայի
գլխին եւ կապում նարօտը: Յետոյ խաչով
օրհնում է բաժակները, լցնում գինով եւ
օրհնում բաժակից տալիս է նախ նորա-
պսակներին ըմպելու. Գինին հարսն փեսայն
խմեն, ըսկիհը տան քահանային: Ապա քահա-
նան նոյն բաժակից մէկ ումպ էլ տալիս է
բոլոր ներկաներին՝ իբրեւ արիւնակից
դարձնելու, տոհմագրման խորհրդանիշ³⁵:
Հարսանեկան ծէսում օրհնում եւ սրբա-
գործում է այն ամէնը (Հագուստն, անկո-*

35 Հայ ազգագրութիւն եւ բանահիւստութիւն (Վ. Ս.
Թէմուրեան, Գամիրքի հայերը), հտ. I, Երեւան,
1970, էջ 126:

*դինը, բաժակը եւ այլն), ինչը կապուած է
Հարսի ու փեսայի հետ:*

*Արարողութիւնն աւարտուում է քահա-
նայի աղօթքով.*

Տէ՛ր Աստուած մեր, որ զամենայն ինչ իմաս-
տութեամբ արարեր եւ հաստատեցեր զտիե-
զերըս եւ զարդարեցեր զհարսանիսն ինքնին:
Տէ՛ր, օրհնեա՛ զբաժակս զայս եւ ըզբեսայս եւ
զհարսըս...

*Այս ձեռագիր Մաշտոցը հետաքրքիր է
ե՛ւ իր բովանդակութեամբ, որը դուրս է կա-
նոնից, ե՛ւ ժողովրդական ու նախաքրիստո-
նէական տարրերի ներթափանցումով, ո-
րոնք ընկած են ծէսի հիմքում:*

*Այսպիսով, կան Պսակի կարգը ներկա-
յացնող ձեռագիր Մաշտոցներ, որոնք ինք-
նատիպ ու արժեքաւոր են արարողակարգի
յաւելումներով եւ իրենց մէջ ամփոփում
են դարերով պահպանուած մշակութային
ժառանգութիւնը:*